



Synfocity = 514

mail us at : mzsynfo@gmail.com; mizoramsynod@gmail.com - Phone - 2314648

20th November, 2014

☐ SEC vawi 252-na thurel thenkhat

Synod Executive Committee vawi 252-na chu November 11 - 13, 2014 chhunga neih tura ruahman a ni a, thurel an zawh hman loh avangin November 14, 2014 khan neih chhonzawm a ni a, tluang takin an zo thei a ni.

Tun tum SEC hian Synod Inkhawmpui pawmpui turin thu pawimawh tam tak a rel a. Zokhawthar-a Synod-in Transit Accomodation siam chu Synod-ah a policy thlen phawt ni se tih a ni a. Zu chungchangah Kohhran chu a dinna ngaiah a din thu sawi nawn a ni.

Kohhran 9 atanga School din dilna chu phalsak vek an ni a, Synod Hospital-a hman turin Oxygen Generator nuai 70 man budget tharah dah turin pawm a ni baw. Hospital pensioner-te chungchang sawi a ni a, PPF-in lo bawhzui rawh se tiin an rel. Sacramental wine atan Mizorama grape kan neihte hman a tha em tih chu tuna kan hman mek pangngai hi hman zui zel turin a rel baw.

Kohhran Pavalai Pawl Inhruaina chipchiar siam chungchang chu tun dinhmun atan chuan a tul rih lova ngaih a ni a. Baptisma Certificate hman mek chu tun aia te fel zawka siam thar turin a rel. District capital hrang hranga counselling centre dah thar chungchangah Kolasib leh Serchhip-ah en chhin tum ni se, sum dinhmun azira hma lak ni se tiin a rel a. Synod Inkhawmpui thlengtu puihna Nuai 5 pek thin chu nuai 10 ni tawh turin Synod-ah thlen tura rel a ni baw.

☐ Synod Press-a Computer to Plate (CTP) thar hlan

November 18, 2014 zing dar 9:30 khan Synod Press-ah Computer to Plate (CTP) thar an neih chu Rev. Lalzuithanga, Senior Executive Secretary-in Pathian hnenah a hlan.

Khawl thar hlanna inkhawm hi Upa R. Lalmalsawma, PRESCOM General Manager-in a kaihruai a, Pu Lalhruaitluanga Ralte, Synod Press Manager-in CTP chanchin a sawifiah.

Tunhma chuan colour-a thlalak leh lehkhabu kawmte Synod Press-a an chhut dawnin Imagesetter, color separation khawl hmangin color film an siam phawt a, color film atang chuan rangva pheh, aluminium pheh an nemkai leh thin a. Chu rangva pheh chu Offset khawlah an vuah a, lehkhavute chu an chhu ta thin a ni.

Kum 2001 atanga 2010 thleng kha chuan Synod Press-ah hian Imagesetter khawl German siam tha tak chu an hmang thin a, tunah chuan a technology a lo hlui tak avangin an hluihlawn a, ATC Archives-a thilhlui dahkhawmnaah an suan chho tawh a ni.

Kum 2014 hian Synod Press tihchangtlun nan tunlai technology lar, Violet system CTP chu Synod-in Cheng Nuai sawmnga pathumin a lei leh ta a ni. CTP hian direct-in computer atangin aluminium plate-ah a chhu kai nghal mai thei a ni.

CTP hi khawl pahnih a ni a, CTP leh Precursor a ni a. CTP khawl thar hi Electronic Character Recognition Machinery (ECRM) Nautilus model a ni a, Massachussets, USA siam a ni. Processor erawh chu Glunz & Jensen Company, Ringsted, Denmark siam a ni thung.

Hetianga CTP tha leh changkang tha tak Synod Press-in a nei leh ta hi Kohhran history-a thil pawimawh leh chhinchhiah tlak tak a ni a, Zoram khawvelah pawh thil chhinchhiah tlak a ni. Synod Press an intodelhna tur a ni mai lova, sawrkar, private leh press dangte tan pawha hman tangkai tur khawl thar Aizawlah a awm thar leh ta a ni.

☐ Kohler Hruaina Eng Quiz Top 20 Round zo

November 14, 2014 zan khan Synod Information & Publicity (Synfo) buatsaih Kohler Power Systems Hruaina Eng Quiz Top 20 Round chu zawh a ni a, Top 10 lut tur puan nghal a ni.

Top 10 lut tur hian mark hmu sang sang thlan an ni a, Branch 8 an lut chiang sa a, hmun awl pahnih la awmah mark hmuh zat inang te - Bawngkawn Branch, Bawngkawn Hmar Veng Branch, Chanmari West Hmar Veng Branch leh Zonuam Branch te an inel tha leh baw.

Top 10 Round lut te chu :

Bawngkawn Hmarveng Branch

Mission Vengthlang Branch

Durtlang Branch

Ramhlun Venglai Branch

ITI Vengchhak Branch

Tuikhuahtlang Branch

Khatla Branch

Zarkawt Branch

Maubawk West Branch

Zonuam Branch

Top 10 Round lutte hian hemi zan vek hian an inel dan tur an pawt nghal a, Top 10 Round-a an inel dan tur chu :

November 20, 2014 (7:30 p.m.) @ Zosaphlua Hall, Mission Veng

Zarkawt Branch, ITI Vengchhak Branch, Maubawk West Branch, Ramhlun Venglai Branch, Bawngkawn Hmarveng Branch

November 21, 2014 (7:30 p.m.) @ Zosaphlua Hall, Mission Veng

Durtlang Branch, Khatla Branch, Zonuam Branch, Tuikhuahtlang Branch, Mission Vengthlang Branch

Top 10 Round-ah hian Tirhkohte Thiltih Bu, Kohhran Chanchin, G.K, Rapid Fire, Audio & Visual Round, Optional leh in lam (Home Branch) atanga member te lo chhan ve tur zawhna pahnih Tirhkohte Thiltih atangin zawh leh a ni ang.

November 28, 2014 (Zirtawpni) zanah Top 10 Round a ti tha Branch 3 ten Final Round an nei leh ang a, Lawmman semna leh kharna hun hman a ni ang.

He quiz sponsor-tute chu Kohler Power Systems, Lower Zarkawt (Main Sponsor); E.R. Enterprises, Ramhlun South; Highland Chevrolet, Zemabawk; Computer House & Photo House, Millennium Centre; Electrical Inspectorate, P & E Department, Zuangtui; Zoland Electronics, Chanmari leh Dyna Roof, Guwahati te an ni.

Kohler Power Systems Hruaina Eng Quiz hi show neih apiangin Hruaina Eng Channel (LPS & Zonet Cable TV)-ahLive in pekchhuah thin a ni.

☐ Synod Finance Committee

Mizoram Presbyterian Kohhran Synod Finance Committee chu November 18 - 20, 2014 chhung hian Synod Office-a J.M. Lloyd Hall-ah a thu mek a, meeting hi Rev. K. Lalhmuchhuaka, Synod Moderator-in a kaihruai a ni.

He Meeting hian Synod Inkhawmpui huna Finance Committee Reports pharh tura buatsaih a thlir lawk ang a, tangka kum kal mek chhunga Additional Budget dilna leh kum 2015 - 2016 Synod Budget tur te chu a pawimawh zual an ni.

- **Zin**
 - ◆ November 21 - 23, 2014 hian Tuirial Airfield Vengthar Kohhranah Crusade neih a ni dawn a, speaker atan Dr. Robert S. Halliday, Superintendent, Synod Office an hmang ang.
 - ◆ November 19 - 21, 2014 hian Lallen Pastor Quarters sak tur enfiah turin Pu Lalramenga Royte, J.E., Property a kal.
 - ◆ November 26 - 29, 2014 hian Khawbung Venglai Kohhran Silver Jubilee lawmna hmanpui turin Rev. Dr. R. Lalbiakmawia, Finance Officer a kal ang.
- **Synod Mission Board**
 - ◆ Patna Mission Field chuan Craft Centre (Tailoring) Meet 2014 chu November 17 & 18, 2014 khan Patna ah an nei a. Puanthui zirlai 60 chuang zet kalkhawmin Speaker Pu Bikash Lama hnen atangin Pathian thuchah ngaihthlak thin a ni a, Bible Quiz leh Paper Cutting hmanga intihsiakna neih ani bawk.
 - ◆ November 20 - 23, 2014 hian Chhimbial Chakma Convention vawi 10-na, Tuichawngah neih a ni dawn a, Speaker atan Dona kumar an hmang ang.
- **ATC Day 2014**

November 21, 2014 (Zirtawpni) hian Aizawl Theological College Centenary Building Quadrangle-ah Aizawl Theological College Day lawmna neih a ni dawn a, Speaker atan Rev. Dr. Zaihmingthanga, Former Principal ATC an hmang ang. Chawhnu dar 1:00 atangin ATC Day lawmna programme hi tan a ni ang a, Rev. K. Lalhmuchhuaka, Synod Moderator-in programme a kaihruai ang a, Rev. Prof. Vanlalchhuanawma, Principal-in Inlawmna leh Report hun a hmang ang a, Rev. Lalramliana Pachuau, Executive Secretary-in zirlai tithate hnenah lawmman chi hrang hrang a sem ang. College Day Speaker Rev. Dr. Zaihmingthangan 'Theological Education in Mizoram : Retrospect and Prospect' tih thupui hmangin thuchah a sawi ang.

Rev. Prof. C. Lalhlira, Vice Principal-in lawmthu sawina hun a hmang ang a, Rev. Lalzuithanga, Senior Executive Secretary-in Malsawmnain inkhawm a tin ang.
- **MSSU**

November 19 - 21, 2014 hian Bungtlang South Bial huapin Bungtlang South Kohhranah Sunday School Zirtirtu Training neih mek a ni a, hemi neihpui tur hian Upa Lalchhuanmawia, Zuangtui (MSSU Trainer) leh T.Upa Lalthahluna Ralte, MSSU Asst. Coordinator te an kal.
- **Kristian Thalai Pawl**
 - ◆ Nizan (Nov. 19, 2014) dar 8:30 khan Praise '14-a zai turte leh musician-te pualin Chanmari West Kohhran Biak Inah Pathian hnenah inhlanna tawngtai inkhawm buatsaih a ni a. CKTP Asst. Leader/Praise '14 Sub Committee Chairman Pu Samuel Laldinglian a kaihruai a, Leader Rev. J. Lalremsiama leh General Secretary Upa Zonunmawia ten fuihna thu tawi an sawi. Praise '14 artistes leh musicians te hi hmun hrang hrangah kal darhin tawngtaina hun tum 2 an hmang a. Chanmari West KTP ten ei leh in tuihna tak an lo buatsaihsak a ni.
 - ◆ November 22 - 28, 2014 chhunga South Asia Christian Youth Network (SACYN) ten Dubai-a Leadership Training Module an buatsaihah Central KTP aiawhin Dr. Lalliansanga (Asst. Secy) leh Dr. Julie Remsangpuii (Treasurer) te an tel ang.
 - ◆ Central KTP Committee chu November 21, 2014 (Zirtawpni) chawhnu dar 1:00 hian Synod Committee Room No.1-ah an thukhawm ang.
 - ◆ Mizoram Synod Choir chu November 21, 2014 hian ATC Day programme-ah an zai ang a, November 24 zana Upper Republic KTP Fakna Inkhawmah hun an hmang bawk ang.
- **Social Front**

November 25, 2014 (Thawhlejni) chawhnu dar 2:00 hian Synod Rescue Home Management Committee leh Rescue Home Staff ten Synod Rescue Home, Durtlangah meeting an nei ang.
- **Mizoram People Forum**

Mizoram People Forum (MPF) chuan Sawrkar Inrelbawl na tha (Good Governance) tih thupua hmangin November 21, 2014 (Zirtawpni) hian Serchhip leh Lawngtlai District huapin Seminar an buatsaih dawn a, November 22, 2014 (Inrinni) hian Saiha District huapin Seminar hi neih leh a ni ang. MPF hian November 14, 2014 (Zirtawpni) khan Champhai, Kolasib leh Mamit District-ah Seminar hi an lo neihpui tawh a ni.
- **Hruaina Eng FM Radio & TV Programme**
 - ◆ **NOVEMBER 21 (FM Zoawi Aizawl @ 7:30 p.m.)**
Solo : Freddy Lalremruata - Ka nun hnar kaitu, **Zaipawl** : Besy Choir - Ka kawng entu, **Thusawi** : Upa Bonny Lalrindika - Thalaite mawhphurhna, **Solo** : Joy Zairemmawia - Takna i dah thin a, **Zaipawl** : Mizoram Synod Choir - Malsawmna min vurtu, **Solo** : Baby Malsawmtluangi - Mamawh chhanna
 - ◆ **NOVEMBER 21 (FM Lunglei @ 7:30 p.m.)**
Solo : Freddy Lalremruata - Ka nun hnar kaitu, **Zaipawl** : Besy Choir - Ka kawng entu, **Thusawi** : Upa Bonny Lalrindika - Thalaite mawhphurhna, **Solo** : Joy Zairemmawia - Takna i dah thin a, **Zaipawl** : Mizoram Synod Choir - Malsawmna min vurtu, **Solo** : Baby Malsawmtluangi - Mamawh chhanna
 - ◆ **NOVEMBER 23 (TV Programme @ 3:00 p.m.) :**
Zaipawl : Bethlehem Pastor Bial Zaipawl - Min hruai chhuak ta, **Thuchah** : Bungrua leh thawmhnaw man tih to chungchang, **Solo** : Temi - Kraws thu, **Playback** : TNAI Blood Donation Day
- **Susamachar Prasaran Programme**

NOVEMBER 23 (Pathianni) 5:00 pm. Hindi Gospel Programme (Susamachar Prasaran) :
Group/Choir/Solo : Karbi Presbytery Choir - Ne pejok, **Group/Choir/Solo** : Durtlang Masihi Sangati - Laher, **Sermon** : Rev. P.C. Rohlira - Isu masi papyangko pyar kanewala, **Group/Choir/Solo** : Lunglei Area Masihi Sangati - Santosh, **Group/Choir/Solo** : Himali Kohhran Zaipawl - Isu Mash tere Jeisa Koi Nahi
- **Moderator Programme**

Synod Moderator Rev. K. Lalhmuchhuaka chuan hetiang hian hun a hmang ang :

November 22, 2014 (Inrinni)	Chhun	:	Melthum Kohhran Centenary Lungphun a hawng ang.
November 22, 2014 (Inrinni)	Zan	:	Sailam Kohhran
November 23, 2014 (Pathianni)	Chawhma	:	Sialsuk Kohhran
November 23, 2014 (Pathianni)	Chawhnu	:	Lungsei Kohhran
November 23, 2014 (Pathianni)	Zan	:	Samlukhai Kohhran